

## Prosječne plate u regionu najveće u Sloveniji

Najveća prosječna plata isplaćena u regionu za maj ove bila je u Sloveniji 1.113,88 eura, a najmanja u Sjevernoj Makedoniji 413,67 eura.

Prosječna plata u Hrvatskoj bila je 886,92 eura, Crnoj Gori, ali za juni 516 eura, u Bosni i Hercegovini također, za maj iznosila je 472,88 eura, te u Srbiji 470,64 eura.

Interesantno je da iako je prosječna plata u Sloveniji u maju iznosila 1.113,88 eura da je ona bila nominalno manja za 0,1 posto, a realno za jedan posto u odnosu na mjesec ranije, april.

Istovremeno, prosječna plata za maj u Sloveniji ove godine nominalno je veća za 3,4 posto, a realno za dva posto u odnosu na isti period prošle godine.

Prosječna mjesečna isplaćena neto plata po zaposlenome u pravnim osobama Republike Hrvatske za maj 2019. iznosila je 6 476 kuna, što je nominalno više za 0,7 posto, a realno za 0,1 posto u odnosu na mjesec ranije, april.

Prosječna zarada bez poreza i doprinosa (neto) za juni u Crnoj Gori iznosila je 516 eura.

Prosječna (neto) zarada u junu 2019. godine u odnosu na maj 2019. godine zabilježila je rast od 0,6 posto, dok je prosječna (neto) zarada u junu 2019. godine u odnosu na isti mjesec prethodne godine zabilježila rast od jedan posto.

Ako se ima u vidu da su potrošačke cijene u junu 2019. godine u odnosu na maj 2019. godine zabilježile pad od 0,7 posto proizilazi da su realne neto zarade u istom periodu zabilježile rast od 1,3 posto.

U Bosni i Hercegovini prosječna plata za maj ove godine iznosila je 926 KM.

Prosječna zarada bez poreza i doprinosa (neto) za maj u Srbiji iznosila je 55.380 dinara.

Rast neto zarade u periodu januar-maj, u odnosu na isti period prošle godine, bila je 9,9 posto nominalno i realno 7,2 posto.

U poređenju sa istim mjesecom prethodne godine prosječna neto zarada nominalno je veća za 9,9 posto, a realno za 7,5 posto.

Prosječna plata isplaćena u Sjevernoj Makedoniji za maj iznosila je 25.270 denara.

(AA)

Date: 04-08-2019